



Uhapšen jedan od narkobosova

Nakon dvije godine praćenja **SIPA** je uhapsila Jasmina Selimagića, Anđelka Novakovića i Ganiju Kurtija zbog šverca nekoliko kg marihuane

Više desetina pripadnika **SIPA** uhapsili su jučer ujutro tri osobe na području Bosanskog Novog u okviru akcije protiv narkomafije, saopšteno je iz Tužilaštva BiH.

Prepresi

Trojica uhapšenih praćena su od 2014. do dana hapšenja i osumnjičena za organizovani kriminalni trgovinu drogom na međunarodnom nivou, a među njima je i jedan od nosilaca organizovanog narkokriminala na području BiH.

Po nalogu Tužilaštva BiH, uhapšeni su Jasmin Selimagić i Anđelko Novaković, obojica nastanjena u Novom Gradu, te Ganija Kurti, državljani Crne Gore, koji se nalazi pod nadzorom Službe za poslove sa strancima. Uporedo sa hapšenjima, na području Bosanskog Novog izvršen je pretres objekata i vozila koja koriste osumnjičeni.

Tužilaštvo BiH je u saradnji sa **SIPA** partnerskim agencijama iz Crne Gore provelo detaljnu i temeljnu istragu tokom koje su prikupljeni dokazi da su ovi osumnjičeni u protekle dvije godine učesnici međunarodnog krijumčarenja velikih količina droge (nekoliko kilograma marihuane i skanka) sa po-

dručja Crne Gore u BiH, koja je dalje prodavana na ilegalnom narkot tržištu u sjeverozapadnom dijelu BiH.

Istragom je utvrđeno da je osumnjičeni Ganija Kurti, koji se nalazio na izdržavanju kazne u KPZ-u Zenica, iz zatvora putem kontakata u Crnoj Gori i BiH, koordinisao krijumčarenje opojne droge u BiH.

Riječ je o osobi koja je ranije protjerana iz BiH, te je koristeći krivotvorene dokumente ponovo ilegalno ušao u BiH, gdje je uhapšen.

Dosadašnjom istragom utvrđeno je da su osumnjičeni u više navrata krijumčarili količine od više kilograma droge, a osumnjičeni Selimagić često je, radi nadgledanja droge i njenog transporta, boravio u Crnoj Gori.

Podsjetimo, Selimagić je u martu 2011. hapšen i zbog računarske prevare. On je tada skupa sa Sašom Đukićem i Mladenom Mladićem u jednom automat-klubu u poker-aparat umjesto kovanica od jedne marke ubacivao kovanice od po pet čeških kruna. Tako su u poker-aparat ubacili čak 540 kovanica češke valute.

Ganija Kurti hapšen je i u akciji **SIPA** kodnog imena Zenica skupa sa Miletom Jestrovićem iz Pljevalja i Draženom Kulićem iz Foče. U ovoj akciji, na putu prema Sarajevu, precizni-

je u Trnovu, zaustavljen je seat leon, u kojem je nađeno 10,6 kg marihuane.

Sporazum

Potom je Kurti sklopio sporazum sa Tužilaštvom BiH i pristao na kaznu zatvora od četiri godine, nakon čega je deportovan iz BiH. Kurti je ponovo ušao u BiH sa lažnim dokumentima, te je bio uhapšen.

Iz Tužilaštva navode da je ovom akcijom zadat odlučan udarac struktura narkokriminala koje djeluju u sjeverozapadnom dijelu BiH, a čiji su konzumenti opojnih droga uglavnom mlade osobe iz Novog Grada i okolnih mjesta. Osumnjičeni će biti predati Tužilaštvu BiH. **DRAGAN PAVLOVIĆ**

Osumnjičeni učesnici međunarodnog krijumčarenja velikih količina droge (nekoliko kilograma marihuane i skanka) iz Crne Gore u BiH koja je prodavana na sjeverozapadu BiH



Kurti iz zatvora koordinisao krijumčarenje droge u BiH